



---

REPUBLIKA E SHQIPËRISË

MINISTRIA E ARSIMIT DHE SPORTIT  
AGJENCIA KOMBËTARE E KËRKIMIT SHKENCOR DHE INOVACIONIT  
DREJTORIA E PROGRAMEVE KOMBËTARE

## **THIRRJE**

**PËR PROJEKT - PROPOZIME NË KUADËR TË  
PROGRAMEVE KOMBËTARE TË  
TEKNOLOGJISË DHE INOVACIONIT (PTI) 2025**

**11 Nentor 2024**

Kjo është një thirrje për propozime për projekte të kërkimit shkencor e financuar nga “Programi i financimit të kërkimit shkencor nga Agjencisë Kombëtare të Kërkimit Shkencor dhe Inovacionit - AKKSHI” për vitin 2025.

## **I. Baza Ligjore**

Kuadri rregullator për këtë Program financimi të AKKSHI-së është përcaktuar në Ligjin Nr. 80, datë 22.07.2015 “Për arsimin e lartë dhe kërkimin shkencor në Institucionet e Arsimit të Lartë në Republikën e Shqipërisë”.

Programi Buxhetor Afatmesem 2024-2026

Vendimin Nr.607, datë 31.08.2016 të Këshillit të Ministrave “Për krijimin, përbërjen, ëInovacionit”.

Thirrja është në përputhje me Programin Vjetor të Punës 2025 të AKKSHI-së.

## **II. Fushat Prioritare**

Thirrja mbulon fushat prioritare të kërkimit shkencor si më poshtë:

- Biodiversiteti dhe Mjedisi
- Bujqësia, Ushqimi dhe Bioteknologjia
- Shëndetësia dhe shkencat mjekësore
- Sistemet dhe Teknologjitë e Informacionit
- Shkencat Sociale dhe Albanologjike
- Uji dhe Energjia

**Në përputhje me fushat e sipërpërmendura, do të kenë prioritet projektet që do të kenë në fokus të tyre tematika që adresojnë: Nanoteknologjinë, Inovacionin ne produkte dhe shërbime, Energjinë, Sigurimin e zinxhirit ushqimor dhe Turizmin**

## **III. Qëllimi i thirrjes**

Thirrja është e hapur për aplikime per :**Projekte të Teknologjisë dhe Inovacionit (PTI), (bashkëpunimi i IAL-ve me biznesin)**

1. Qëllimi i thirrjes është mbështetja e veprimtarisë së kërkimit shkencor në fushat prioritare, përmes financimit me grante të projekteve në kuadër të programeve kombëtare, të propozuara nga kërkues shkencorë në Institucionet e Arsimit të Lartë ose institucione të tjera që kanë në objektin e veprimtarisë së tyre kërkimin shkencor.
2. Objektivat e thirrjes janë:
  - i. Të mbështesë projekt propozime që vijnë si bashkëpunim i universitetit me biznesin të cilat adresojnë përmirësime në teknologji, procese dhe produkte, nëpërmjet inovacionit.
  - ii. Të mbështesë projekte kërkimore të cilësisë së lartë që mundësojnë rritje të performancës së kërkuesëve dhe zhvillimin e produkteve ose shërbimeve inovative;

## **IV. Institucionet që kanë të drejtë të aplikojnë**

Në kuadër të programeve kombëtare, kanë të drejtë të aplikojnë për financim të PKKZH, Institucionet e Arsimit të Lartë të përcaktuara si të tilla në Ligjin Nr. 80, datë 22.07.2015 “Për arsimin e lartë dhe kërkimin shkencor në institucionet e arsimit të lartë në Republikën

e Shqipërisë”, Neni 4, pika 4, që zhvillojnë kërkim shkencor si dhe institucionet publike e jopublike, që kanë për objekt të veprimtarisë kërkimin shkencor (VKM 607 4/a).

#### **V. Kohëzgjatja, buxheti dhe financimi**

1. Kohëzgjatja PTI është 12 deri në 24 muaj.
2. Buxheti në dispozicion të kësaj thirrje është buxheti i AKKSHI-së për vitin 2025, në zërin buxhetor “Fonde për shkencën”.
3. Vlera maksimale e financimit **do të jetë deri në 5,000,000 lekë**.
4. Grantet e alokuara në këtë thirrje mbulojnë shpenzimet<sup>1</sup> si më poshtë :
  - i. Shpenzimet e personelit (honorare për kërkuesit shkencor, juriste dhe personel administrativ) që marrin pjesë në projekt;
  - ii. Shpenzime udhëtimi (akomodim, dieta dhe transport)
  - iii. Shpenzimet administrative (organizimin e konferencave, ruajtjen dhe shpërndarjen e të dhënave)
  - iv. Shpenzime për aplikime për patenta

#### **VI. Kriteria të përgjithshme për aplikim**

1. Aplikimi për projektin e propozuar duhet të bëhet nga një IAL-të sipas përcaktimeve në pikën IV “Institucionet që kanë të drejtë të aplikojnë”<sup>2</sup>;
2. Aplikimet duhet të jenë në përputhje me fushat prioritare dhe sipas kërkesave të udhëzuesit të PTI (<http://nasri.gov.al/drejtoria-e-programeve-kombetare-2/>);
3. Projekt – propozimi duhet të përmbajë vetëm veprimtari që lidhen me procesin e kërkimit shkencor, duke përjashtuar aktivitete siç mund të jenë: trajnimet, perkthimet, ngritje e kapaciteteve institucionale, aktivitete promovuese, advokuese apo monitoruese (kur këto përbëjnë aktivitetet kryesore të projektit dhe nuk janë pjesë e kërkimit shkencor);
4. Në rastin e aplikimit për PTI, aplikuesi i parë është një (ose disa) IAL në partneritet me një (ose disa) biznes/e, partneritet i cili sanksionohet me një marrëveshje bashkëpunimi ndërmjet tyre. Pjesë e marrëveshjes duhet të jetë bashkëfinancimi në raportin 70% financim grant nga AKKSHI dhe 30% financim<sup>3</sup> nga biznesi.
5. Aplikant i dytë i referuar si partner nga biznesi, duhet:
  - i. të jetë i organizuar dhe të funksionojë në përputhje me legjislacionin e Republikës së Shqipërisë, specifikisht me Ligjin Nr.9901, date 14.04.2018 “Për tregtarët dhe shoqëritë tregtare”;
  - ii. të shprehë qartë përfitimin nga projekti i propozuar në partneritetet me kërkuesit shkencor pjesë e IAL dhe të dëshmojë kapacitete në mbështetje të

---

<sup>1</sup> Për detaje shikoni formën e buxhetit dhe udhëzuesin (<http://nasri.gov.al/drejtoria-e-programeve-kombetare-2/>);

<sup>2</sup> Edhe në rastet kur propozimi vjen si bashkëpunim ndërmjet IAL-ve, një IAL-je me një biznes, apo një IAL-je me një institucion publik qendror/vendor, aplikimi bëhet nga IAL që udhëheq projektin e kërkimit shkencor.

<sup>3</sup> Financimi nga biznesi mund të jete në paga për personat e përfshirë në projekt, material apo mjete të tjera të konsumueshme.

projektit.

- iii. të shprehë angazhimin për ofrimin e infrastrukturës së nevojshme për zhvillimin e aktivitetit kerkimor kur kjo kërkohet nga projekti;
6. Projektet PTI duhet të synojnë zhvillimin e një produkti/procesi/shërbimi të ri, ose përmirësim të dukshëm në një produkti/procesi/shërbimi ekzistues, me potencial tërheqës tregu.
7. Projekti duhet të përmbajnë vetëm veprimtari që lidhen me kërkim-zhvillimin, duke përfshirë blerjen e pajisjeve, reagentëve, mjeteve, etj.

#### **VII. Do të kenë përparësi:**

1. Projekte të kërkimit shkencor të cilat, adresojnë prioritetet strategjike kombëtare si dhe prioritetet e Zonës Europiane të Kërkimit (European Research Area (ERA)<sup>4</sup>;
2. Projekte të kërkimit shkencor që kanë lidhje direkte me prioritetet strategjike sektoriale të miratuara nga Qeveria Shqiptare sipas fushave prioritare të cituar me sipër;
3. Projekte të kërkimit shkencor që nxisin ndërkombëtarizimin (bashkëpunime me universitetet ndërkombëtare) ose pjesmarrje në programet evropiane të kërkimit (Horizon Europe, EUREKA, Digital Europe, City mission) etc;
4. Projekte të kërkimit shkencor që vijnë si bashkëpunim i IAL-ve me institucionet publike qendrore dhe vendore për zgjidhjen e problematikave në sektorë të ndryshëm social ekonomik;
5. Projekt propozimet që mbështesin kërkimin shkencor në fushat prioritare duke përfshirë në këtë proces studentë të doktoraturës;
6. Projekt propozime të kërkimit shkencor produkti i së ciles përbën risi në fushën përkatëse;
7. Projekt propozime që vijnë si bashkëpunim i universitetit dhe biznesit, të cilat synojnë risi në zgjidhjen e problematikave lidhur me proceset teknologjike, produktet, shërbimet apo proceset.

#### **VIII. Dorëzimi i aplikimeve**

1. Projekt propozimi dhe dokumentacioni i kërkuar sipas udhëzimit, së bashku me shkresën përcjellëse të titullarit të institucionit, duhet të dorëzohen në AKKSHI, në 2 kopje të shtypura dhe 1 kopje digjitale (USB).
2. Kopja digjitale duhet të përmbajë:
  - i. Formatin në word të projekt propozimit përfshirë edhe kalendarin e aktiviteteve.
  - ii. Formatin në excel të buxhetit të propozuar.
  - iii. Dokumenta të tjera (kopje të origjinalit të futura në dosjen e aplikimit) të jenë në

---

<sup>4</sup> Strategjia Kombëtare për Kërkimin Shkencor, Teknologjinë dhe Inovacionin 2023 – 2030.

Communication from the Commission to the European Parliament, the Council, the European Economic and Social Committee and the committee of the regions a Union of Equality: “Gender Equality Strategy 2020-2025”;

<https://ec.europa.eu/info/research-and-innovation/strategy/strategy-2020-2024/democracy-and-rights/gender-equality->

formatin pdf (jo si jpg apo format tjetër).

3. Aplikantët duhet të dorëzojnë dokumentacionin përmes postës zyrtare, në adresën: AKKSHI, Rruga “Naim Frashëri”, Nr.37, Tiranë, Shqipëri.
4. Afati i fundit për depozitim të aplikimeve në AKKSHI është data **20/01/2025**.

## **IX. Informacione të tjera**

1. Aplikantët duhet t'i referohen udhëzuesit përkatës për PTI ku do të gjejnë formën e aplikimit, udhëzime dhe detaje specifike lidhur me plotësimin e dokumentacionit për aplikim (në mënyrë të veçantë për çështje si: numri i lejuar i ditëve të punës, raporti i shpërndarjes të buxhetit sipas zërave, veprimtaritë e lejuara për financim, etj).
2. Projekt-propozimet që nuk kanë dokumentacionin e plotë, kanë pasaktësi në plotësimin e formës së aplikimit apo që nuk përmbushin kriteret e përcaktuara në udhëzuesit përkatës, do të skualifikohen në fazën e shqyrtimit administrativ dhe nuk do të kalojnë për vlerësim teknik.
3. Individët të cilët janë anëtarë të grupeve të punës të projekteve në proces, të financuar në kuadër të projekteve kombëtare dhe ndërkombëtare (PKKZH, PTI dhe bilaterale) nuk mund të aplikojnë në këtë thirrje, nëse deri në datën e mbylljes së thirrjes (20.01.2025) nuk kanë dorëzuar pranë AKKSHI-së produktin e kërkimit shkencor dhe raportin përfundimtar (përshkrimor dhe financiar) të projektit në proces.
4. Kërkuessit të cilët për shkak të pozicioneve drejtuese që mbajnë në institucionet aplikuese, nuk mund të jenë pjesë e grupeve të punës në projektet e kësaj thirrjeje, për shkak të konfliktit të interesit<sup>5</sup>, të përcaktuar si të tillë në kuadrin ligjor në fuqi<sup>6</sup>.
5. Për sqarime më të hollësishme, lidhur me programet ose me procedurat e aplikimit, të interesuarit mund të drejtohen pranë Drejtorisë së Programeve Kombëtare në Agjencinë Kombëtare të Kërkimit Shkencor dhe Inovacionit ose me e-mail në adresat: [gentiana.spahiu@nasri.gov.al](mailto:gentiana.spahiu@nasri.gov.al), deri në datën 15/02/2024.
6. Udhëzuesit dhe Format e aplikimit mund t'i gjeni në faqen zyrtare të AKKSHI: <http://www.nasri.gov.al>.
7. Kalendari i Thirrjes

Data e publikimit të Thirrjes për aplikim	11.11.24-12.12.24
Datat kur AKKSHI do të jep sqarime ose do të organizojë seancë informative për aplikuesit e interesuar	14, 15,16, 17/01/25
Afati i fundit për pyetje lidhur me projektin	17/01/2025
Data për dorëzimin e dokumentacionit të projekt propozimeve	<b>20/01/2025</b>
Vlerësimi i propozimeve	10/03/2025
Shpallja e fitueseve	30/03/2025

<sup>5</sup> “Konflikt i interesit” është gjendja e konfliktit ndërmjet detyrës publike dhe interesave privatë të një zyrtari, në të cilën ai ka interesa privatë, të drejtpërdrejtë ose të tërthortë, që ndikojnë, mund të ndikojnë ose duket sikur ndikojnë në kryerjen në mënyrë të padrejtë të detyrave dhe përgjegjësisë të tij publike.

<sup>6</sup> Ligj nr. 9367, datë 07.04.2005, “Për parandalimin e konfliktit të interesave në ushtrimin e funksioneve publike i ndryshuar me ligjin nr. 9475, datë 09.02.2006; me ligjin nr. 9529, datë 11.05.2006; me ligjin nr. 86/2012 datë 18.09.2012 dhe me ligjin nr. 44/2014 datë 24.04.2014.

Ligj nr. 44/2015, “Kodi i Procedurave Administrative i Republikës së Shqipërisë”, neni 30

